

ցաք ասէն արդելուլ զվարդապետան Հայոց 'ի տեղեօջէ յայնմանէ : Սակայն փոխանորդք Հայոց և Յունաց պընդէին և յայտնի կացուցանէին զբռնութիւնս երից կրօնաւորաց , եւ պահանջէին զիրաւունս , այլ նոքա դարձեալ յուրաստ լինէին : Եւ այսպէս յերկարիւ դատաստանին և վիճմանց , խնդրեաց դատաւորն վկայս 'ի փոխանորդէն Հայոց , և նորա ածեալ կացոյց առաջի նորա զերկուս ումանս յերեւելի այլազգեաց քաղաքին , որք եւ ասէին , լուաք զձայն արարակի եւ կռուոյ յեկեղեցին Ս . Յարութեան 'ի Խանքէ կոչեցեալ մենաստանէ մերմէ , և կարկառեալ 'ի պատուհանաց , որք հային 'ի հրապարակ Գերեզմանին , տեսաք զերիս կրօնաւորս Լատինաց , որք մահակ 'ի ձեռին հարկանէին զվարդապետան Հայոց . զնոյն ասացին և միաբանք Հայոց և Յունաց , որք էին ընդ Աբրահամու 'ի տաճարի անդ , եւ զոր ինչ գործեցին Լատին կրօնաւորք : Յետ հաստատելոյ դատաւորին 'ի գիր զբըննութիւնն եւ զվկայութիւնս նոցա , յաւել փոխանորդն Հայոց , որովհետեւ յայսպիսի դժնդակ իրս գտանին Լատինք՝ ապաւինեալ 'ի թագաւորս Եւրոպիոյ , 'ի ճոխութիւնս և 'ի բազմութիւնս իւրեանց , արգելուն և անարգեն զուխտաւորս մեր , եւ յափշտակեալ 'ի ձեռաց նոցա զմոմեղէնս շիջուցանեն և ընկենուն 'ի բաց . յայսպիսի զըզուանաց և յատելութենէ նուազին ուխտաւորք մեր , եւ մեք հանդիպիմք բազմադիմի վնասուց և զրկանաց . և եթէ ոչ լինիցի խնամք և պաշտպանութիւն Օսմանեան տէրութեան 'ի վերայ հպատակաց իւրոց , դժուարին լինի բնակութիւն մեր յերուսաղէմ եւ 'ի Ս . Յարութիւն . զի անձինք մեր իսկ կան 'ի վտանգի . զի 'ի նուազիւ ուխտաւորաց մերոց վնաս հասանէ գանձուց Աբքայի : Եւ դատաւորն զայս ամենայն հաստատեալ 'ի գրի՝ ետ ցփոխանորդն Հայոց , եւ մեկնեցան անտի 'ի տեղիս իւրեանց , 1100 (1742) :

Իսկ Գրիգոր Պատրիարք 'ի խոովութեանս յայսմիկ՝ կըրեաց բազում վիշտս և նեղութիւնս , և հանդիպեցաւ մեծամեծ ծախուց և վնասուց . ապա կամեցեալ օգնութիւն գտանել նոյն իսկ 'ի մեծամեծացն Եւրոպացուց զրեաց զն թուղթս , մին առ թագաւորն Գաղղիոյ , մին առ երկ-